

KANTON SARAJEVO STRUČNA SLUŽBA ZA ZAJEDNIČKE POSLOVE

ulica Reisa Džemaludina Čauševića br. 1 71 000 Sarajevo

ID broj: 4200667410006

zastupana po načelniku _____ (u daljem tekstu Kupac)

i

“HIFA-PETROL” d.o.o. Sarajevo

ulica Hotonj bb, 71 320 Vogošća

ID broj: 4200999090005

koga zastupa direktor _____ (u daljem tekstu Prodavac)

zaključili su

UGOVOR

o kupoprodaji nafte i naftnih destilata

Član 1.

(Predmet ugovora)

Predmet ovog Ugovora je nabavka i isporuka nafte i naftnih destilata (dizel goriva, benzina, LPG, lož ulja), za potrebe Kantona Sarajevo u 2018. godini, u skladu sa ponudom broj: JN-1542/18 od 05.04.2018. godine, zaprimljene pod br. 17-14-18475 od 12.04.2018. godine.

Član 2.

(Ugovorene cijene)

- (1) Ugovorne strane su saglasne da će se cijene nafte i naftnih destilata (dizel goriva, benzina, LPG, lož ulja) formirati u skladu sa cijenama koje su važeće (u skladu sa odobrenjem nadležnog Ministarstva) i koje se primjenjuju na benzinskim pumpama prodavca, uz odobreni rabat (popust) kako slijedi:
 - Euro dizel EN 590 0,02 KM/litar;
 - BMB 95 OCT 0,02 KM/litar;
 - MB 98 OCT 0,02 KM/litra;
 - TEČNI NAFTNI GAS (LPG)..... 0,02 KM/litra;
 - LOŽ ULJE (extra lahko) 0,02 KM/litra.
- (2) U skladu sa uslovima ponude zaprimljene pod broj: JN-1542/18 od 05.04.2018. godine, zaprimljene pod br. 17-14-18475 od 12.04.2018. godine.
 - Euro dizel EN 590 1,81 KM/litar (sa PDV-om);
 - BMB 95 OCT 1,86 KM/litar (sa PDV-om);
 - MB 98 OCT 1,96 KM/litra (sa PDV-om);
 - TEČNI NAFTNI GAS (LPG)..... 0,61 KM/litra (sa PDV-om);
 - LOŽ ULJE (extra lahko) 1,21 KM/litra (sa PDV-om).
- (3) Ugovorne strane su saglasne da će zbog podložnosti cijena nafte i naftnih destilata promjenama na tržištu, koje su odraz svjetskih kretanja cijene sirove nafte na tržištu, koristiti klauzulu „kliznih“ cijena odnosno, ugovorne strane su saglasne da će se kod cijene nafte i naftnih destilata prilagođavati promjenama na tržištu BiH.
- (4) Prodavac je dužan da realizaciju ovog ugovora započne po cijenama koje su date u prihvaćenoj ponudi broj: JN-1542/18 od 05.04.2018. godine, zaprimljene pod br. 17-14-18475 od 12.04.2018. godine, te da navedene cijene zadrži minimalno 15 (petnaest) dana od dana stupanja na snagu ovog ugovora. Također, Prodavac je dužan da sve promjene cijena prilagodi preporukama (odobrenjima) za promjenu cijena nafte i naftnih destilata, koje izdaje nadležno ministarstvo, te da o svakoj promjeni cijena (povećanje ili smanjenje) koja je „odobrena“ od nadležnog Ministarstva,

odmah obavijesti Kupca i da u najkraćem roku dostavi kopiju odobrenja o promjeni cijena nafte i naftnih destilata.

- (5) Uslijed promjene cijena na tržištu i odobrene promjene od strane nadležnog Ministarstva, a nakon obavijesti Kupca od strane Prodavca, na promijenjene cijene iz ponude primjenit će se gore odobreni rabati (popusti) po jedinici mjere, a sve promjene će biti regulisane službenom zabilješkom koje se ima vezati za osnovni ugovor.
- (6) Ukupna ugovorena vrijednost ovog ugovora iznosi:
- | | |
|--------------------------------|----------------------|
| Ukupna cijena bez PDV-a | 144.655,00 KM |
| PDV 17 % | 24.591,35 KM |
| Ukupna cijena sa PDV-om | 169.246,35 KM |
- Slovima: (jednastotinašezdesetdevethiljadadvijestotinečetrest i 35/100KM)**

Član 3.

(Promjenjivost cijena)

- (1) Ugovorne strane su saglasne da se cijene nafte i naftnih destilata usklađuju prema svjetskim cijenama nafte i naftnih destilata (cijene barela nafte čija promjena utiče na BiH tržište), a formiraju se na bazi cijena na pumpnim stanicama Prodavca.
- (2) Također, ugovorne strane su saglasne da se službenom zabilješkom mogu tolerisati cijene koje osciliraju +/- 30 %, dok cijene nafte i naftnih derivata koje prelaze ovaj limit mogu biti predmet samo novog ugovora.
- (3) Cijene na pumpnim stanicama Prodavca ne mogu biti veće do 5 % (po jedinici mjere), od prosječne cijene na pumpnim stanicama drugih distributera u Federaciji BiH.
- (4) Ukoliko cijene na pumpnim stanicama Prodavca budu veće za 5 % i više (po jedinici mjere), od prosječne cijene na pumpnim stanicama drugih distributera (većine) u Federaciji BiH, Kupac ima pravo pokretanja jednostranog raskida Ugovora.

Član 4.

(Način plaćanja)

Plaćanje isporučene nafte i naftnih destilata vršit će se na osnovu polumjesčnog ili mjesečno ispostavljenog računa Prodavca, sa rokom plaćanja od 60 dana od dana ispostavljanja računa na jedan od transakcijskih računa otvorenih kod banaka, a koji je naznačen na računu, osim u slučajevima kada u toku mjeseca dođe do promjene cijena, kada se ispostavljanje računa ima prilagoditi datumima promjene cijena.

Član 5.

(Kvaliteta naftnih destilata)

- (1) Prodavac je dužan da obezbjedi Uvjerenje o usklađenosti kvaliteta naftnih destilata za sve vrste goriva koje su naznačene u ovom Ugovoru.
- (2) Također, Kupac će preko svoje Tehničke službe kontinuirano pratiti kvalitet isporučene robe. Ukoliko dođe do pada kvaliteta goriva u odnosu na usvojene i važeće BH standarde, Kupac može jednostrano raskinuti ugovor u roku od 24 sata.

Član 6.

(Način i rok isporuke)

- (1) Isporuku nafte i naftnih destilata Prodavac će sukcesivno isporučivati putem benzinski pumpi na slijedećim lokacijama:
 1. Hotonj bb, Vogošća
 2. Adema Buće bb, Buća Potok
 3. Rustempašina 38, Ilidža
 4. Zabrđe bb, Rajlovac
- (2) Isporuka nafte i naftnih destilata će se obavljati na način da je Kupac dužan dostaviti Prodavcu spisak vozila Kantona Sarajevo koja imaju pravo točenja nafte i naftnih

destilata na navedenim pumpnim stanicama, sa tačno naznačenom markom i registarskim brojem vozila.

- (3) Na osnovu dobijenog spiska vozila Prodavac je dužan uredno da izda elektronske kartice za evidenciju i kontrolu točenja nafte i naftnih destilata. Također, Prodavac je dužan da provodi kontinuiranu kontrolu točenja goriva, kao da i istu omogući Kupcu, kroz utvrđivanje vjerodostojnosti kartice na koju se toči gorivo, te njene usklađenosti sa vozilom u koje se toči gorivo. Ukoliko Prodavac ne omogući provođenje ove vrste kontrole, odnosno ne omogući poštivanje ovog zahtjeva, Kupac će odmah izvršiti jednostrani raskid ugovora bez mogućnosti bilo kakvog uslovljavanja od strane Prodavca.

Član 7.

(Evidencija točenja nafte i naftnih destilata)

- (1) Prodavac je dužan da evidenciju točenja nafte i naftnih destilata sastavlja u pismenom obliku, u minimalno dva primjerka, koji moraju biti potpisani od ovlaštene osobe. Ovaj dokument Prodavac dostavlja Kupcu na kraju mjeseca a najdalje u roku od 15 dana, zajedno sa ispostavljenim računom, čija vrijednost mora biti identična dokumentu koji je potpisivan (registrovan) od lica koja su preuzimala gorivo.
- (2) Gore navedni dokument treba minimalno da sadrži slijedeće elemente: komercijalni naziv robe, količinu, cijenu i iznos, datum isporuke, registarski broj vozila i potpis ovlaštene osobe Kupca koja je preuzela naftu i naftne derivate.

Član 8.

(Prelazne i završne odredbe)

- (1) Ovaj ugovor stupa na snagu danom potpisivanja, i važi do 31.12.2018. godine, sa mogućnošću produženja od maksimalno godinu dana, pod potpuno istim uslovima.
- (2) Prodavac nema pravo da zapošljava, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.
- (3) Ugovorne strane su saglasne da ukoliko se ne poštuju ugovorene obaveze iz ovog Ugovora, iste mogu jednostrano raskinuti ovaj Ugovor, pismenim putem uz otkazni rok od 15 dana.
- (4) Ugovorne strane su saglasne da će se sve izmjene i dopune osnovnog ugovora regulisati aneksima ugovora ili minimalno službenom zabilješkom ukoliko su predmet izmjene samo cijene Ugovora. Službena zabilješka mora biti sastavni dio osnovnog Ugovora.
- (5) Ugovorene strane su saglasne da će sve nesporazume rješavati dogovorom, a ukoliko to ne bude moguće prihvataju nadležnost suda u Sarajevu.
- (6) Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po dva primjerka.

KUPAC:

KANTON SARAJEVO
Stručna služba za zajedničke poslove

Načelnik

Broj: 17-14-33076-37
Datum: 11.05.2018. godine

PRODAVAC:

HIFA-PETROL d.o.ö.
Direktor

Broj: 1059/18.
Datum: 16.05.2018.